

8850

16.

DISPUTATIO
INAUGURALIS
DE
EPILEPSIA

Quam
D. O. M. A.
In Electorali Academiâ Francofurtanâ

Ex
Amplissimæ Facultatis Medicæ

Decreto
SUB PRÆSIDIO
VIRI

Excellentissimi & Clarissimi

DN. SAMUELIS SCARLACHII

PHIL. ET MED. D. P. P.

DECANI

Promotoris atq; Præceptoris sui æternum
colendi

Pro summis in Arte Med. Privilegiis,

& Honoribus Doctoralibus obtinendis

PUBLICÆ censuræ submittit

WENCESLAUS GÖTTGEBER

Lubenens. SiL.

In Auditorio Majori

Horis matutinis & pomeridianis

d. 30. Octobr.

ANNO

M. DC. XXXIV.

Exscripta typis

MICHAELIS KOCHII.

DISPUTATIO

IN AURICULIS

DE

EPILIPSIA

Author

D. O. M. A.

In Electoratus Brandenburgensis

Libri

Academiae Regiae Medicae

Prætorie

et Chirurgicæ

Viri

Excellentissimi & Clarissimi

D. N. SAMUELIS SCARLA CHII

PHIL. ET M. D. P. P.

Decani

Promotionis et Præceptoris sui auctoritate

colendi

Programma in Arte Med. Privilegiis

et Honoribus Doctoratus ornanda

Prætorie et Chirurgicæ

WENDELAUS 82323

Libræria Sil.

In Auditorio Majori

Hortis botanicis & pomologicis

d. 10. Octobr.

Anno

M. DC. LXXIV.

Exscripta 1774

MICHAELIS KOCHII

T H E S I S I.

Cum Epilepsia varium & portentosum morbi genus sit, teste Arethæo *lib. 1. d. caus. & not. c. 4.*, quo vel nullum frequentius, vel symptomatum sævitiam magis funestum, aut in accessionibus terribilius; ideo libuit nobis de ejus essentia & curatione præsentem hanc συζήτησιν instituire.

II.

Epilepsiæ autem vox origine Græca est ἀπὸ τῆς ἐπιλαμβάνεσθαι, quod invadere seu prehendere significat, deducta, quod divinissimam hominis partem mentem & sensus prehendat. Latinis ab ægrorum lapsu Caducus, vulgò Comitialis, veteribus morbus Sacer, Germanis die fallende Sucht/ Schwere Gebrechen/ oder böse Krankheit/ indigitari solet.

III.

Theophr. Paracelsus *libr. 1. de orig. morb. c. 6.* hunc affectum peculiari nomine morbum Viridellum seu Vitriolatum appellat, vel quod omnes Vitrioli proprietates, tincturas atque symptomata in se inclusa contineat, vel quod præcipua ejus curatio in spiritu Vitrioli viridi posita sit.

IV.

Et Hermetici ex eodem authore 3. §. 1. *d. morb. caduc.* & Petr. Severino *Idea fol. 3 15.* Epilepsiam definiunt morbum Astralem seu spiritualem, à vapore mercuriali vitriolato & venenato genitum, quo homo mente sensuque privatur.

V.

Equidem morbum hunc astralem esse patet, tum ex materia ejus subtilissimâ, & generationis processu, qui merè spiritualis existit, (ut fufius id Paracelsistæ explicant) tum ex certorum astrorum occasu, exortu sive aspectu notabili, in quibus homines plerunq̃ue invadit. *Petr. Severus in Nos. harmon. diss. 6. de Epileps. lib. 19.*

VI.

Nec inter se pugnant, quod Paracelsus alibi aliter loquatur, & Caducum inter morborum Mercurialium & Salinorum numerum referat. Nam ea omnia etiam ipsius naturæ favore & patrocinio admittuntur: Mercurialem nempe esse ostendunt primò subjectum cui inhaeret, deinde causa materialis, nec nō ipsa curatio. Salinus dicitur ob istā

Mercurij microcosmici sublimationem, quæ sine salibus peragi non potest.

VII.

Sed rectius Epilepsia definitur, quod sit convulsio universi corporis interpolata, cum mentis sensuumque læsione, *Gal. lib. 3. d. loc. affect. c. 5. & 7. & l. 4. c. 7. necnon comment. 6. in 6. epid. c. 7. à vapore acri & peculiariter maligno, expultricem Facultatem in membranis cerebri vehementer irritante, proveniens. juxta Sennert. libr. 1. Med. pract. part. 2. cap. 31. Platen. de Epil. & alios.*

VIII.

Per genus innuimus primò, quod sit symptoma actionis animalis læsæ, non quidem unius tantum, sed omnium in universum. Nam in hoc malo omnium facultatum, tam sensitivarum, quam ipsius mentis seu intellectus actiones omnes aboleri vel imminui, liquetò constat.

IX.

Et si autem motum non tolli, sed depravari, extra dubium sit; tamen num ab animali, num verò à facultate naturali id fiat, ut ægri ita concutiantur, Com. Montanus & Erasius hinc acriter disputant. Sed sciendū est, idem in Epilepsiâ evenire posse, quod aliàs in sternutatione fieri animadvertimus, nimirum ut motus quidem à facultate expultrice initium sumat, verum postmodum ab animali statim perficiatur.

X.

Secundò diximus hanc convulsionem non esse perpetuam; inde enim à vero spasmo, qui musculorum ad principia contractio pertinax & continua est, quam optimè distingui potest, *juxta Mercurial. lib. 2. d. morb. puer. c. 2.*

XI.

Ex quibus satis constat, partem affectam cerebrum esse. Enim cum id solū omnium actionum animalium veluti fons sit primumve principium, fieri nequit, ut hoc non affecto illæ actiones vel aboleri, vel intercipi, vel depravari possint.

XII.

Verum num totum cerebrum, an verò tantum ejus pars aliqua patiatur? non ita planum est: Galenus ipse sibi hac in re non constat, dum mox anteriores, *lib. 3. d. loc. affect. cap. 7. & l. d. sympt. differ.*

c. 3. & 1. d. caus. morb. c. 8. mox posteriores ventriculos l. 4. d. loc. aff. c. 2. & epidem. 6. aph. penult. affici scribit. Nos probabilius existimamus universam cerebri substantiam, quatenus ob membranas, quibus includitur, sensu prædita est, à materiâ illâ tenui vel vaporosâ vellicari juxta Sennert. alleg. loc. in controuv. quæst. 4.

XIII.

Commentum itaque est, quod Quercetanus in tetrad. c. 8. in quibusdam Epilepsiis non cerebrum, sed cor voluerit primariò affici. Nam missis cæteris vel ex eo, quod ipsemet curationem primariò non ad cor sed ad cerebrum dirigat, falsitas hujus opinionis elucescit.

XIV.

Causæ Elepsiæ vel sunt propinquæ, vel remotæ. Proxima & immediata est materia tenuis & vaporosa, seu ut Pelops Galeni præceptor eam nominabat, πνευμαλινῆς & σία ὡς αἷς ἀρεῖ, quæ acrimoniâ suâ vel qualitate maligna, cerebrum vellicando & molestando, ejus sensibiles partes ad expulsionem rei noxiæ stimulat. Philoth. Elianus tract. 17. Archipatbol. Avicenna l. 3. Fen. 1. doctr. 5. c. 8. nec non Author de flat. Erasius diss. med. 12. &c.

XV.

Paracelsus eandem fermè hujus mali causam agnovit, & hanc esse vaporem mercurialem & vitriolatum, sive odorem venenatum, mordicativum, inebriativum & stupefactivum, multis in locis tradidit test. Levin. Batto diss. de Epileps. thes. 8. & 9.

XVI.

Unde Galeno, & illis qui Epilepsiam ab humore crasso frigido, pituitoso seu melancholico ventriculos cerebri obstruente fieri dicunt, non possumus assentiri. Cum tam subita paroxysmi invasio & solutio, ab hujusmodi crasso humore esse nequeat; nec quispiam Anatomicorum ullum ejus obstructionis vestigium in Epilepticorum cadaveribus sectis unquam deprehendere potuerit; ut testatur Volcherus Coiter in lib. observ. anatom. & chirurg. & Erasius part. 4. disput. contra Paracels.

XVII.

Sed quomodo ab illo vapore tam subita omnium functionum cerebri cessatio fieri possit, ulteriori inquisitione indiget. Platerus

eam ob effusionem spirituum animalium in initia nervorum; Heurnicus ob conniventiam sinuum cerebri, Petrus alleg. loc. ob ejus coarctationem & constrictionem fieri existimant: Quidam neotericorum, quod spiritus animales in anterioribus & posterioribus cerebri ventriculis tam subito divellantur.

XVIII.

Nos his opinionibus relictis, Sennerti sententiam sequimur, & actiones animales statuimus ob spirituum perturbationem ita turbari, eò quod illi sese non rectè habentes, nec actionibus obeundis debito modo inservire queant. *Sennert. supra alleg. loc.*

XIX.

Causæ antecedentes sunt illa omnia, quæcunque materiam acrem, malignam cerebroque adversam suppeditare possunt; cujusmodi sunt sanguis, bilis, pituita, melancholia, sanies, semen, secundina corrupta, foetus mortuus, vermes & similia, quando à naturali suo statu recessere.

XX.

Fernelius quoque in nonnullis Epilepticorum cadaveribus dissectis interdum cerebri abscessum, interdum corruptam meningis portionem calvæ adhærentem Epilepsiæ causam fuisse deprehendit, ex quibus nempe locis tetri vapores in substantiam cerebri penetraverant: *l. 5. patholog. c. 3.* quod ipsum etiam observavit Vidus Vidius. *l. 2. de cunct. morb. partic. c. 18.* Forestus in *schol. ad observat. 67. lib. 10.* & Vallescus de Tarant. in *suo philon. c. de Epil.*

XXI.

Nonnunquam accedit & hæreditaria quædam dispositio, quæ liberis vel cum ipso parentum Epilepticorum semine implantatur, juxta Sennert. *d. l.* vel ab inquinamētis uteri sanguinisque materni innascitur, vel à nutrice valetudinariâ, epilepticâ, vel melancholicâ cum lacte instillari potest. *Sec. Angel. Salam intern. Bezoard. c. 15.*

XXII.

Astrologi infaustum astrorum positum addunt, & eos qui oriuntur, seu concipiuntur in interluniis, quando in coitu sive congressu est Luna cum Sole sine lumine, epilepticos fieri statuunt. *vide Serenum Med. in lib. d. Medic.*

XXIII.

Quandoque etiam contagium locum causæ obtinet, de quo etfi Fernelium aliter sentire *libr. 2. de abditis rerum caus. cap. 11.* nos non lateat, tamen experientiâ edocti, & imprimis pueri illius, cujus Bertinus in suâ *Medicin. l. 11. c. 3.* meminit, qui cum integrè sanus ex eodem cyatho, ex quo prius æger Epilepsiâ laborans, haustum sumpserat, bibisset, protinus quoque hujus morbi contagione correptus fuit, opinamur id non absurdum esse.

XXIV.

Remotiores causæ & procatarepticæ sunt, aer vernus, ventus meridionalis, calor solis, radij Lunæ, fames atque inedia, comestio ciborum putridorum & venenatorum, ut anguillarum, hepatis, & carnis hircinæ, frequens esus coturnicum, passerum, apij, terræ tuborum, nimia lactis ingurgitatio, crapula, potus vini vaporosi, nimia Venus, olfactus rerum fatidarum, bituminis, gagatis, cornuum caprorum, cervorum, sulphuris, mercurij sublimati, aquarum fortium, vapor aquæ calentis, ægritudines animi, terror, ira ardens, nimia animi intentio, titillatio, capitis percussio, casus, morsus vel ictus bestiarum venenosarum & alia multa, *de quibus vide Untzerum libr. 1. d. Epileps. c. 15. & 16.*

XXV.

Differentias porrò quod attinet I. Epilepsia alia est idiopathica, cujus minera continetur in cerebro, alia per consensum orta, & vel totius, vel certæ alicujus partis, ut uteri, ventriculi, lienis, vesicæ, intestinorum, aut etiam membrorum externorum. *Ex Galen. 3. d. loc. aff. c. 7. Paulo l. 9. c. 13. Trallian. lib. 1. c. 15.*

II. Alia est vehementior, alia mitior, *juxta Erastum part. 4. disp. contr. Pamelus.*

III. Alia inordinata, quæ nullam periodum certam observat, alia ordinata, quæ statis temporibus ægros invadit. Quibus alij accensent hæreditariam à parentibus in liberos propagatam, ut supra dictum, & adventitiam, quæ genitis post nativitatem aliunde accedit.

XXVI.

Signorum duo sunt genera; Diagnofis & Prognofis. Signa, Diagnostica, quæ imminentem vel instantem paroxysmum arguunt, sunt dolor capitis, oblivio, somnus inquietus oculorum tenebræ, vertigo,

vertigo, languor corporis, venarum sub linguâ flavedo, viriditas & id genus alia.

XXVII.

Quæ præsentem Epilepsiam demonstrant, ea Lucretius *lib. 3.* eleganter his versibus complexus est, dum ita canit:

*Quinetiam subito vi morbi sæpè coactus
Concidit, & spumas agit, ingemit & tremit artus,
Desipit, extentat nervos torquetur, anhelat
Inconstanter, & in jactando membra fatigat;
Nimirum quia vis morbi distracta per artus
Turbat, agens animam, spumanti ut in equore salso
Ventorum validis fervescunt viribus undæ.*

XXVIII.

Signa Prognostica authores præscribunt varia, ex quibus nos ea, quæ ex Hippocrate desumpta extant, delibabimus.

I. Ex illis, qui à sacro morbo corripiantur, difficilimè ij liberantur, quibus à puero contigit morbus: Deinde quibus in juventute fuerit ortus: Post hos in quibus nullum apparet indicium, ex qua parte ortum ducat: In quibus autem pars, quæ morbi fomes est, cognoscitur, si ex capite oriatur, difficilius curantur, facilius si à manibus aut pedibus, medio autem modo si à latere, *lib. 2. prædict.*

XXIX.

II. Epilepsia in pueris est morbus acutissimus, & plerunq̃ue exitialis; *in libr. d. sacr. morb.*

III. Pueri qui semel ab Epilepsia sunt curati, non amplius eâ tentantur, si aliquam partem ab hoc morbo depravatam habeant. *Hippocr. d. l.*

XXX.

IV. Magis ad hunc morbum propensi qui pituitosi sunt, aut melancholici, huic autem proximi, qui sunt vertiginosi. *6. Epidem.*

V. Ut verno tempore plerunq̃ue hic morbus irruit, ita eo tempore solet esse periculosior, *ex lib. 3. aphor. 20.*

XXXI.

VI. Comitiales morbi, quibus ante pubertatem eveniunt, curationem recipiunt, at quibus eveniunt post annum vicesimum quintum, plerunq̃ue commoriuntur, *5. aphor. 7.*

VII. Juvenibus Epilepsiâ laborantibus cum ætatis mutatio, tum loquax
& victus ratio finem morbi adferunt. 2. aphor. 45.

XXXII.

Levinus Battus *suprà alleg. loc.* ex Theophrasto hoc prognosticon
addit: Si Epileptici invasionis initium præsentiant, non sanantur, aut
omninò difficulter: At qui omninò nihil præsentunt, illi curabiles ha-
bentur. Quod in Epilepsia non per consensum, sed per essentiam
exorrâ fortassis locum habere potest.

XXXIII.

Atque hæc de Epilepsiæ naturâ & essentiâ dicta sunt: Conse-
quens nunc est, ut ad curationem accingamur, quæ duabus præcipuè
indicationibus dirigitur, paroxysmi nimirum præsentis amolitione
& novi seu futuri inhibitione.

XXXIV.

Instante Paroxysmo, ut is diminuatur aut avertatur, quampri-
mum æger ejusdem signa præsenferit, ilicò sese munire debet decocto
foliorum rutæ, vel sumere guttas aliquot, iij vel iiij olei buxi in aq.
flor. pæon. vel pillul. j laudan. opiat. cujus partibus quatuor una ol.
camph. sit admista, vel essentiæ castor. gutt. iij vel v. in aq. flor. tilix,
vel ol. succ. alb. gutt. j vel ij in aq. Epilept. Langij, *de quibus vide Sen-
sere. in Med. præct. l. alleg.*

XXXV.

In ipso autem paroxysmo curatio ab externis præfidiis erit in-
choanda, & primò omnium os immisso cuneo diducendum; atque
interjecto aliquo ligno, ut visci querni, vel cochleari, vel alio in-
strumento succo rutæ illito apertum servandum. Quod si verò con-
vulsio mandibularum sit fortior, sacculo ex corio vel crassiori linteo,
rutâ, sinapi, pyrethro, castoreo, & similibus referto, ac dentibus inter-
posito id fieri præstat.

XXXVI.

Ore distento, si causa morbi iis in locis hæreat, è quibus per vomitum
facile excludi possit, is pennâ ol. irino eum gr. iij flor. Antimon.
mixto intinctâ & per fauces leniter demissâ proritari potest; Quippe
ab eo accessionem epilepticam solvi, sæpè compertum esse testatur,
Fonsæca tom. 1. consult. Med. 15. p. mibi 121.

XXXVII.

Si frictiones & ligaturæ extremorum instituantur, quarum usum hic contra Erasum (*diff. contr. Parmels.*) valdè commendamus, notetur quod debeant esse: 1. Validæ ac dolorificæ. 2. Fieri in loco convenienti, verbi gratiâ in cruribus, vel pedibus, si Epilepsia per consensum sit partium inferiorum; 3. sapè laxari, iterumq; constringi, donec omnis halitiosa materia sit discussa.

XXXVIII.

Naribus adhibemus rutam, & vel ejus balsamum vel ol. vel succū verb. gr. Rec. succ. rut. unc. sem. castor. opt. drachm. j. M. & intromitte in nares. Apollonius commendat thymum, & eo naribus imposito, si exger surrexerit, eum ab Epilepsiâ sanari, si minus non sanari, potius fabuloso, quàm vero experimento tradit.

XXXIX.

Lingua & palatum illinenda sunt theriacâ, mithridatio, castoreo in aq. hirund. rutæ, & lilior. convall. solutis; aut ol. stillatit. castor. salv. rosmarin. essent. liquidâ succini. Quibus oleis alii etiam aures, verticem, suturam coronalem, & tempora inungunt.

XL.

Accessione perseverante nonnulli clysterem acriorem infundunt, vel glandem ex agarico, sale gemm. hierâ & melle immittunt: Alii ad ptarmica, (quorum usum nec nos damnamus) devenientes sternutatorium ex helleb. alb. drachm. j. castor. euphorb. an. drachm. sem. pulverifat. præscribunt.

XLI.

De periaptis sive amuletis paulò infra sumus dicturi; Hic tantum ex illis, quæ intus exhibenda sunt, quædam delibabimus, Cujusmodi sunt, medicamenta ea omnia quæ peculiari qualitate Epilepsiæ causam dissipant & discutiant: ut sunt Aqua Picarum vel hirund. pulveris majoranæ ad scrupul. j. in convenienti liquore exhibitus, Spina dorsi mustelæ fluviatilis novilunij tempore detracta, & in tenuissimum pollinem redacta, quæ ad scrup. ij. cum aq. pœon. sumpta non modò ægros ab ipsâ accessione liberat, sed etiam extra accessionem singulo plenilunio data morbum hunc curat, *testante Hartmanno in præxi Chymiatr.*

XLII.

Chymici valdè extollunt ol. perlar. spir. vitriol. essentiam campher. (Camphorata tamen ob imbecillum caput & ventriculum Cratoni valdè suspecta sunt, *consil. 28. all. l.*) spir. cerebr. human. ol. cran. nepenthes Quercetani, si ea omnia in justâ dosi & convenienti vehiculo assumantur.

XLIII.

Magnes Epilepsiæ & vera Mercurij minera est cinnabaris nativa, quæ vel per se in pollinem tenuissimum trita, & paucorum granor. pondere cum magist. corallor. & perlar. in aq. salv. exhibita vel chymicâ arte in magisterium redacta tantarum perhibetur esse virium, ut miraculi instar paroxysmum hujus morbi elidat; Nec non secreti loco habetur tinctura vera Corallor., si ad scr. j. vel drachm. sem. cum aquâ pœon. vel simili administretur. Pulvis quoque ex iisdem & similibus præparatus Dn. D. Weidneri p. t. Rectoris Magnifici eximii est usus, à Scrup. j. ad drachm. j. cum vehiculo conveniente exhibitus: Rec. Cinnabar. nativ. Hungar. veræ drachm. ij. C. C. philosophicè per vaporem aq. præparat. Granor. pœon. excort. cranij hum. philosophicè præpar. an. drachm. j. Fraxinell. sive Diptamn. alb. Rad. pœon. flore alb. justo tempore collect. Visci quern. Carabes Ungul. alcis philosophicè præparat. an. drachm. sem. Marg. præpar. Corall. rub. præpar. an. Scrup. j. Misce F. pulvis tenuiss. addendo ol. nuc. mosch. destillat. Macis, majoran. an. g. iiij M. F. pulvis. Eidem in usu est aq. Antepileptica Anthaltina Therebinthinata in infantibus præsertim, ac millies probata.

XLIV.

Ab solvimus præsentis paroxysmi curationem; restat jam, ut quibus prædiis æger à novo paroxysmo præservari possit, dicamus. Primò autem Phlebotomia occurrit, quæ primis viis expurgatis, extra paroxysmum, & epilepsiâ per essentiam cerebri aut à consuetâ aliquâ sanguinis evacuatione suppressâ exortâ, corpore plethorico existente, nec male inveterato, viribusq; permittentibus administrari debet.

XLV.

Et si Epilepsiâ sit Idiopathica, primò ex venis cubiti, vel Cephalica, vel Basilica vel Mediana potest secari; Tandem verò ex cōsilio Arethæi, & Avicennæ vena frontis, aut sub linguâ pertundi. Sin ab obstructione mensium vel hæmorrhoidum oriatur, venæ in cruribus, vel ipsæ hæmorrhoides ad motis sanguisugis aperiantur. B 2 Vena.

XLVI.

Venarum sectio si commodè fieri nequeat cucurbitulæ scapulis, dorso vel occipiti, aut eruribus, coxis, malleolis, prout Epilepsiæ sedes est, cum scarificatione applicatæ vicariam operam præstant. Parti autem, à quâ aura quædam frigida, ac maligna ad cerebrum elevatur, protinus cucurbita magna cum multa scarificatione, quâ materia venenata fortiter extrahatur, imponenda est.

XLVII.

Phlebotomiæ succedit vitiosorum humorum expurgatio, qui prout in corpore abundant, prius diligenter sunt præparandi. In quem usum Crato decoct. hyssop. Galenus *in cons. de puer epilept.* & Trallianus *loc. supr. all.* pyrethrum, scyllam & similia calida medicamenta incidentia commendant. Verum nisi corporis constitutio adsit frigida & humida, aut causa morbifica in ventre inferiori pertinacius hæreat, rectè monet Sennertus, ut ea in reliquis cautius usurpentur, & semper cū præparantibus antepileptica misceantur.

XLVIII.

De Evacuantibus notentur sequentia, 1. ut sint initio leviora, in progressu fortiora, 2. ut eorum usus, monente Erasmo *in diss. contra Parmes.* per intervalla diutius continuetur, 3. ne ad unum (cum unus raro reperitur solus) sed ad plures humores dirigantur; de quibus consulendi sunt Practici.

XLIX.

Hippocrates & cum eo Medici tam veteres, quàm recentiores, valdè laudant Helleborum, quod in epilepticis Etzlerus virtute æthereâ polere existimat, c. 1. *de morb. Satur. Isag. Phys. Mag. Med.* Ex quo Neoterici extracta magist. syrup. oxymel. &c. parant. Trallianus vel solo suo Theodoreto se multos restituisse affirmat l. 1. c. 15. de quo Ægineta l. 7. c. 18. Quercetanus lapidem armenum vel cyaneum præparatum ad scrup. j. vel Extr. Elater. scrup. sem. in convenienti liquore exhibitamirificè serosa excrementa è cerebro evocare scribit *de Med. vegetab. spag. prepar. c. 7. & 9.* Rulandus sequentem potionem ex aq. flor. til. unc. v. Extr. esul. scrup. ij. colatam, & novem hor. ante prandium e-potam sæpè utilem deprehendit, *vide ejus curat. Empir.*

L.

Ex metallicis in usu sunt Chymicis Mercur, vitæ Mercur. dulc. elect.

elect. Antimon. Crollij, ejusdem Alcohol. Conradi, Vitriol. rectific. purgans Ang. Salæ, Aq. Benedict. Rulandi vel ejus aq. terr. sanct. (si rectè descripta extaret) quæ tamen medicamenta omnia nec temerè, nec nisi ritè præparata, & imprimis si Epilepsia per consensum ventriculi, aut vicinarum partium sit orta, adhiberi debent, si non velis, ut è Mercurio vitæ Mercurius mortis fieri debeat.

L I.

Expurgato corpore Hydrotica in subsidium vocari possunt, qualia sunt Decoct. lign. Guajac. cum aliq. gutt. Spir. Vitriol. si per aliquot hebdomadas jecore non calido existente (tunc enim decoct. Chinæ præstat) usus ejus continuetur, vel Decoct. lign. sassafras. chinæ, sarsæ par. card. bened. &c. Quercetanus specificum aliquod, & appropriatum hydroticon cuius ætati ac temperamento conveniens describit in pharmacop. Dogmat. c. 8. ut & in Tetrad. c. 19. Cateri Chymici Spir. Guajac. vel Tartari, flor. alb. Antimon. fixi, Sulphur Antimon. auratum, & id genus alia usurpant.

L II.

Verum nec particulares capitis evacuationes per errhina, & cephalgmatismos sunt omittendæ: Crato pulverem lapidis in vesicâ tauri reperti per nares vel per se vel succ. rut. attractum mirè & specificâ quâdam vi caput expurgare testatur, *consil. 4. l. 1.*

L III.

Huc & Setacea & cauteria pertinent. Crato *d. l.* cervicem fortissimo lixivio ex cineribus & calce facto exulcerari jubet; Erasius in *quodam consil. puer. epilept.* propè scapulas vesicatorium admoveat ruptisq; vesicis aquam, donec sponte desinat, effluere finit Arculanus hoc vesicatorium capiti abrafo apponit. Rec. armon. dissol. cum pingued. anatis unc. ij. ferment. unc. j. sinap. pulv. unc. sem. cantharid. præparat. drachm. sem. pœon. drachm. ij. M. F. Emplastr.

L IV.

Montanus in *consil. 20.* cauteria etiam actualia alterutri brachiorum ad musculum deltoiden, alij si malum magis sit inveteratum, in occipitio seu nuchâ inter 2. & 3. vertebra, alij in commissurâ coronali applicant: Petræus trepano cranium sine noxâ aperiri posse autumat. Quæ duo tamen postrema remedia si non nacta sint peritam artificis manum, non planè omni periculo vacant.

L V.
Insuper autem necesse est, ut cerebro à morbificâ causâ debilitato robur suum restituatur; Id quod Cephalica & antepileptica medicamenta quàm optimè præstare valent, cujus generis multa tam intus, quàm foris exhibenda apud autores habentur.

L VI.
Hermetici liquorem Lunæ viridem vel etiam cæruleum ita Cerebrum, ut quasi novum restituat, confortare, affirmant, idque Petrus ob anatomiam vivam, quod Luna cerebrum externum, & cerebrum Luna interna sit, fieri non ineptè arbitratur *loc. cit.*

L VII.
Ex Antepilepticis, quæ specificâ vi huic morbo resistunt, & singulis diebus, quibus non exhibentur alia, usurpari possunt, præcipua sunt Cranium suspensi, vel potius ossiculum illud triangulare inter commissuras magn. crucifer. in nonnullis repertum (*Ernstus id reperiri negat in diss. contra Paracels. part. 4.*) pulverisatum vel calcinatum. Sanguis mustelæ vel testudinis; epar ranarum viridium, sterus pavonis, fœtus ciconiæ, pulvis lumbricorum terrestrium, coagulum leporis, ol. fuliginis, ol. lign. heracl. (id Fonseca ol. lign. buxi, rectius Sennertus ol. corylinum esse dicit) & alia multa, quæ singula recensere nimis longum foret.

L VIII.
His succenturiantur Amuleta, quæ si sint naturalia, licita atq; talia, quæ semper eodem modo in corpora, quibus applicantur, agunt, nō minus suâ occultâ & astrali potentiâ contra hunc morbum pugnant. Nam probabile est, quod Unzerus testatur c. 13. à nonnullorum substantiâ vapores quosdam subtilissimos veluti atomos defluere; qui occultè per cutis poros spiritu attracti, morbi causam suâ virtute alterare, corpusq; sensim reficere possunt.

L IX.
Præceteris autem in usu sunt unguis alcis, radix pœoniæ maris, velejus poti⁹ quæ flore est albo (ut monet Rosa Anglica) justo tempore effossa, Smaragdus verus, (nō qui vulgò pro lapide de Peru emitur) si ea omnia collo & brachiis, ut carnem tangant, alligentur. Præstat quoque amuletum, quod Hartmannus ex virgultis Sambuci crescentis super italicem mense Octobr. paulò ante plenilunium collectis, conficit. *De quo vide praxin ejus chymiatric.*

Inter externa magni quoque usus est ung.

ting. Antepilepticum Libavii ad bregma, frontem & tempora inungenda: quod descriptum extat in cista *Epist. Medicor. Hornungi.*

LX.

His tandem absolutis ad Dietæ ordinationem compellimur, quæ tota ad calidum magis & siccum declinare debet. Aer itaque vitetur austrius & aquilonaris. Fumi aut fuligines à rebus foetidis, vel à carbonibus accensis caput quâdam proprietate offendunt. Sed & æger ante omnia radios Solis & Lunæ fugiat, qui occultâ vi Epilepsiam excitant.

LXI.

Cibus sit boni succi concoctusq; facilis, non flatuosus, nec crassus, nec qui peculiari qualitate caput feriat, atq; in cœnâ parcior, quàm in prandio. De quibus Unzerum consule *l. 2. de Epilep. c. 5.*

LXII.

Pro petu Crato aq. mulsam cum fol. beton. atque uno & altero salv. & pauculo zinziber. coctam usurpat. Fernel. aq. simpl. in quâ rasura C. C. & exigua pars zinzib. coxerint, Altomarus decoctum Coryandri, quod verò à Petro Salio *in annotat. in libr. Altomar.* cum Coryandrum, teste Dioscoride, suâ naturâ caput petat, rectè rejicitur. A cerevisiâ crassâ & feculentâ, vino generoso & vaporoso (tenue enim quandoq; stomachi gr. conceditur) abstineat.

LXIII.

Exercitationes corporis, si ante cibum ineantur, alvo prius solutâ, æthere sereno & temperato valdè cum Galeno commendamus. Somnus sit moderatus, & nocturnus, nec mox à cibo, neq; cubas in dorso jaceat.

LXIV.

Alvus semper in officio continenda, & si interdum languidior clysmate vel leniente aliquo medicamento primæ viæ expurgandæ. Venus nisi morbus sit à suppresso semine, est nociva; Animi affectus, inprimis ira, terror, mœror, curæ, sollicitudines, & omnis animi intentio, quàm longissimè debent arceri.

LXV.

Atque hæc sunt, quæ de horrendo hoc morborum monstro in medium proferre visum fuit: plura si quis scire expetat, cum ad practi-
corum libros remittimus, & hic pedem figimus.

Problema.


A N & quare Ecstatici, Damoniaci, Vates, & alij futura pradicentes pleriq; fuerint Epileptici, aut saltem paroxysmos convulsionibus Epilepticorum similes patiantur? An quod præ ceteris hic morbus peculiare quid, sive δαὶν in se habeat: Et, qui eo etiam inter heroes laborarunt, ut Julius Caesar & alij, ingeniosiores fuerint, & melancholici?

ΠΑΡΕΡΓΟΝ.

A N nova opinio Guil. Harvei Angli anatomici & Medici celeberrimi de motu & usu cordis, & circuitu sanguinis in animalib., cujus alicubi Keplerus mentionem fecit, & Harveus rationibus, experimentis & ocularibus demonstrationibus eā confirmasse se existimat, aliud præterea fundamentum in aliis disciplinis habeat? Malumus

ἐπὶ τέλει.

SOLI DEO GLORIA.



✠